

# kontuola

**KONTUOLA**, Idolaz elkarte, **ANTZUOLA**. **Kazetaria:** Marijo Deogracias, Ainhoa Ugarteburu **Publizitatea:** Uxue Zabaleta **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Maripi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

*Antzuolako hamabostekaria, 71. zenbakia. 2001eko urtarrilaren 19a.*

## Igerileku estali gabeak egingo dituzte


### Osoko bilkurak estali gabeko igerilekuak egitea erabaki zuen

Urtarrilaren 11n egindako osoko bilkuran Antzuolako Udalak igerilekuen proiektua zeinek egin erabaki zuen. Luis Mari Zulaikak, Donostiako arkitektoa, lau hilabete izango ditu proiektu hori idazteko.

**A**ntzuolako udalak azaroan atera zuen igerilekuak egiteko beharrezko proiektua idazteko lehiaketa. Epe barruan zazpi proposamen aurkeztu zituzten eta azkenengo osoko bilkuran zazpi horietatik bat aukeratu zuten udal ordezkariak. Luis Mari Zulaika donostiarraren proposamena, hain zuzen ere. Berak adierazi digunez, "Antzuola ez dut oraindik asko ezagutzen eta hemendik aurrerako lehenengo pausua herriaren berezitasunak ikusteko izango da". Izan ere, lau hilabete ditu Luis Mari Zulaikak proiektu hori aurkezteko.

#### BESTE ESPERIENTZIA BATZUK

Donostian bulegoa duen arkitekto honentzat ez da Antzuolakoa diseinatuko duen igerileku bakarra. Aurretik Astigarragakoa egin zuen. "Astigarragan, egin berri zuten kiroledegia-ondoa nahi zuten igerilekua. Baina han estali gabea barik, aterpe antzeko bat egin genion. Eta Antzuolan ere kontuan hartu behar ko lukete aurrera begira ez ote den izango hobe horrelako zerbait aurrez ikustea. Kontua da, orain estali gabe egin arren, etorkizunean, probetxu gehiago ateratzeko edo uraren tenperatura mantentzeko edo azken batean, horrela erabakitzen delako, igerilekuak ixtea nahi izanez gero, hobe dela oraingo hori aurrez ikustea eta beharrezkoa den oinarriko azpiegitura oraingo proiektuan sartzeta. Hala ere, oraindik ez naiz hasi



*Olaranen atzean egingo dira igerilekuak. VALEN MOÑUX*

proiektuarekin eta gainera, lehenenik eta behin, udal ordezkariak asmoak ezagutzea izango da, eta baita herritarrek dituzten premiak ere".

Dena dela, Zulaikak argi dauka oso garrantzitsua dela ingurunea zein den jakitea eta ezagutzea. "Kontua ez da igerileku eder batzuk egitea eta listo. Igerilekuak non egongo lirakeen kontuan izan behar da eta horren arabera, inguruari hobeto egokitzen zaion instalakuntza egin".

Proiektua egiteko Luis Mari Zulaikak 3.944.000 pezeta izango ditu eta esan bezala lau hilabeteren bueltan aurkeztu behar du estali gabeko igerilekuen proiektua udaletxean.

#### IGERILEKUAK NON?

Olaran etxearen atzeko aldea aukeratu du udalak igerilekuak egiteko. Dena dela, oraindik lekua baino ez dute aukeratu zelako igerilekuak egin nahi dituzten eta proiektuari itxaron behar duog. ■

■ ■ ■  
Lau hilabete barru aurkeztuko du arkitektoak igerilekuen proiektua  
■ ■ ■

# Independentzia Egun jendetsua

Azken urte hauetako ohiturari jarraituz, urtarrilaren 13an, zapatuan, Antzuolarron Independentzia Eguna ospatu zen. Eguerdiko 14:00etan bazkaritara joan baino lehen, herri-poteoa egin zuten trikitilariek lagunduta. Bazkalostean hainbat ekitaldiz gozatzeko aukera izan zuten bertan izan ziren guztiak: dantzariak, bertsolariak, eta baita "Beatles"ak ere; urte askoan elkarrekin jo gabe eta Antzuolara etortzea otu zitzaizen (John Lennon berpiztu zuten horretarako). Pilota parti-

dua ere jokatu zuten eta bikain aritu ziren herriko pilotari gazteak. Haren emaitza asmatzeko lehiaketa Nekane Idiakezek irabazi zuen.

Gaiteroek ere alaitu zuten bazkalostea eta Pako Aristi idazlea gaitero lanetan aritu zen Xabier Agirre antzuolarrarekin batera. Ondoan izan zuten, besteak beste, Patxi Saiz abeslaria ere.

Patatak errioxar erara jatera 180 lagunetik gora joan zen.



*Beatles-ak Antzuolan.*



*Ia 200 lagun elkartu zen bazkarian.*



*Ikurrin dantzarekin hasi ziren bazkalosteko saioak.*



*Argiena, pilotarien familiakoa!*

## ANTZUOLA

Apainketak eta  
isolamenduak  
Pladurrezko dibisioak

Kalegoi 21 ANTZUOLA  
Tf.: 943 72 30 05  
Biltegia: 943 78 70 40

## EGAÑA

Era guztietako arotz lanak

Tarima eta parketa jartzea  
Zoruen kutxilatatu eta barnizatuak

Kalegoi 21, ANTZUOLA Tf.: 943 76 64 23

## GOROSTI Taberna


☎ 943 76 62 96  
Zurrategi plaza ANTZUOLA



*Pilotari gazteek partidu bikaina jokatu zuten.*



*Kalean gora eta behera jotzeaz aspertuta, jarrita jo behar!*



*Azken orduko kontzertua ere antolatu zuten gaztetxean.*

## HIRUGARREN ADINEKOENDAKO GIMNASIA IKASTAROA

Antzuolan hirugarren adinekoendako gimnasia emango dute otsailaren 1etik aurrera. Astelehen eta eguenetan emango dute, arratsaldeko 5:30etik 6:30era. Izena emateko udaletxera joan beharko da. Horretarako azken eguna urtarrilaren 22a, astelehena, izango da.

## EGUTEGIAK SALGAI

Urtero moduan Debagunek, Debagoieneko euskara elkarteak biltzen dituen elkarteak, egutegia osatu du. Egutegia Idolazko bazkideen artean banatu badute ere, aurten, bazkide ez diren guztientzat salgai dago herriko liburutendan. 400 pezetan erosi daitezke. Bailarako herri bakoitzeko leku jakin bat nola aldatu den aukeratu dute gai bezala, eta Antzuola, Bergara, Elgeta, Arrasate, Aretxabaleta, Eskoria-tza, Gatzaga eta Oñatiko irudiak bildu dituzte. Horrez gain, leku bakoitzeko jaien datak ere ikus daitezke.

## INSERSOKO BAINUETXE PROGRAMA

Insersok bainuuetxetara joateko egitaraua aurkeztu du eta gizarte segurantzako erretiroa dutenei edo ezintasun pentsiodunei zuzendua dago, adina kontuan izan barik. Alarguntasuna edo beste pentsioren bat jasotzen egonez gero, edo 60 urte beteta izanez gero, joateko aukera dago. Egonaldi bakoitza 15 egunekoa izango da eta irailetik abendura joan nahi izanez gero, maiatzaren 12a baino lehen eman beharko da izena Bergarako erretiratuen etxean edo Antzuolako udaletxean. Aurreko betebeharez gain, kontuan izan norbere kasa moldatzea ezinbestekoa dela, eta baita bainuuetxeko tratamendua jasotzeko osasun oztoporik ez izatea ere. Informazio gehiago udaletxeko gizarte zerbitzuan jaso daitezke.

## Igor eta Txomin



Margoak orokorrean

ANTZUOLA  
609 157 131

BERGARA  
609 150 164



## Zabalo Iturgintza S.L.


Bidea eginez

Tailerra: Uzarraga bidea 10. Tf. 943 78 71 78

Erakusketa: Kalebarren 1. Tf. 943 78 71 79, Tf. eta F. 943 76 64 73

- Gasa
- Beregailuak
- Haize egokitua
- Enpresen mantenimendua
- Lurrin instalazioak

- Bero-aurreztea
- Bainugelak. Proiektuak momentuan egiten ditugu DIBaren bidez
- Birgaitze-espedienteak bideratzen ditugu



*Etxeen inguruko urbanizazioa beste enpresa batek egin behar du.*

## Etxe berriak otsailean estreinatuko dituzte

**Urtarril bukaeran** egongo dira etxe berrietako giltzak prest. Bada urtebete baino gehiago etxeak egiten hasi zirela, eta dagoeneko lanak amaitzear dira. Guztira 32 etxebizitza egin dituzte auzogune berrian, eta bizitzera joango direnek urtebeteko epea daukate bertara joateko. Egileen hitzetan "ia dena amaituta dago, lan berriaren adierazpena jadanik eskatuta dago, eta hilabete honen bukaeran eskriturak sinatzeko moduan egongo dira".

Etxeei dagokienez, bere egitura nagusian ez dute aldaketarik izan, ezta materialaren kalitateari dagokionez ere.

Egin diren aldaketek ez dute garrantzia handirik: sukaldea eta egongela batu dituzte, komuneko atea aldatu eta sarre-ra egokitu dute. "Gainera etxeen eraikuntzan ez gara atzeratu, dena epeen barruan egin da, zerbait esatekotan, 15 egun atzeratu garela esan daiteke, baina ez da oso garrantzitsua. Prezioari dagokionez ere ez da aldaketarik egon".

Hala ere, eta etxeak ia eginda badaude ere, oraindik etxe inguruko lanak nahiko atzeratuta daudela azaldu digute, "baina lan hau ez dagokigu guri; beste eraikitzaile batzuen eskutan dago".


Hogeita hamabi etxebizitzako giltzak banatuko dituzte otsailaren hasieran

### FRESKO-MURAL LEHIAKETA HUTSIK GELDITU DA

Antzuolako Udalak erdiguneko eskaileraren horma nagusian lan artistiko bat egiteko lehiaketa deitu zuen duela hilabete batzuk. Zazpi lan aurkeztu zituzten lehiaketara eta guztiekin erakusketa bat ere egin zuten udaletxean. Baina saria hutsik gelditu da. Udal ordezkariak saria inori ez ematea erabaki zuten. Baina, asmoa ez da bertan behera geldituko. Udaletxetik adierazi digutenez, "lehiaketaren oinarriak aldatzeko premian gaude eta hori egin bezain pronto, beste lehiaketa bat deituko da fresko-murala egin ahal izateko".

### HIRUGARREN MUNDUAREN ALDE LAN EGITEKO LAGUNTZAK

Antzuolako Udalak Hirugarren Munduaren alde lan egiten dutenei diru-laguntzak eman dizkie. Azken osoko bilkuran erabaki zuten bi taldek jasoko zituztela laguntza horiek. Horietako bat Antzuolako GKEa da: ANELKAR. Bestea Oscar Romero Donostiako taldearentzat izango da. ANELKAREK milioi bat pezetako dirulaguntza jasoko du.



*Canudosen ur potzuak egiten.*

KALEGOI 19 ☎ 943 76 64 07

*Tomas Gezalaga*

ANTZUOLA BERGARA

- Zoruen kutxilatuta eta barnizaketa •

GAILUR

taberna eta gozotegia

Buztinzuri 13 ANTZUOLA  
Tf. 943 78 70 32

LARREA

TABERNA

Kalebarren 17  
ANTZUOLA

KALEGOI 19 ☎ 943 76 64 07

*Tomas Gezalaga*

ANTZUOLA BERGARA

- Apaintetarako eta industriarako pinturak •
- Paper margotuak •
- Moketak eta tapizatuak •